

PENSIONISTANAN DI LAGO TA ORGANISA

ORANJESTAD(AAN)—Diadomingo mainta mas di mil pensionado di Lago a reuni den Bonaire Club caminda un comision chikito di pensionado di Lago bao di guia di Carlos Bislip y Elias Fingal representando e Comision, a informa nan tocante nan derecho ariba cierto beneficionan y e efecto cu ciere di Lago tin ariba e beneficiacionan.

Durante e reunion, e pensionistanan a wordo in-

forma tocante nan pension, programa suplementario di pension, aseguro pa grupo di bida, proteccion di entrada pa familia y aseguro medico pa pensionadonan.

Tambe nan a wordo in forma tocante actividadnan di e Comision Chikito cu tabata entre otro mandamento di carta pa Lago, Esso Inter America, Bestuurscollege y Ministro di Labor di Antillas.

Ademas nan a wordo

informa di un asociacion di Pensionadonan di Lago cu a ser estableci na aña 1972 pero cu pa basta aña ta inactivo.

E intencion di e comision chikito ta pa reactiva e asociacion di pensionadonan di tal forma un fundacion por wordo crea pa haya e programa medico pa pensionadonan cu Lago a sabi cu nan no tin intencion di duna continuacion bao di e forma actual.

Lastimamente net na momento cu e reunion a yega na su punto culminante, a surgi un fayto tecnico den e microfono y pa tal motibo mester a pospone e reunion te Diaranzon 3 di April pa 7 or di anochi na IOWUO Recreation Center.

Remarcable tabata cu mas di 300 pensionado a firma pa bira miembro di e Asociacion di Pensionadonan aunke nan no a

haya tur informe necesario.

Esaki ta un indicacion cu e pensionadonan ta fuerte den nan determinacion di organisa nan mes y lucha pa beneficiacion cu nan a gana cu sudor di nan frente durante e añanan cu nan a traha pa Lago, algo cu sigur tabata falta mashar tempo caba pero cu lamentablemente ningun hende tabata dispuesto pa tuma e iniciativa pa realice.

FACILIDAD FISCAL PA CASA DEL MAR

ORANJESTAD(AAN)—Casa Del Mar Beach Resort cu pronto lo wordo construi banda di Aruba Beach Club a haya un tax holiday di diez aña. E anuncio aki a wordo haci pa Raymond Maduro, director di Sun Development Company NV, e compania madre di Casa del Mar.


Pa motibo cu e inversion necesario ta asina grandi y e tempo cu e inversionista mester warda promer cu tin algun ganashi ta asina largo, e facilidad di belasting ta un necesidad pa cualquier proyecto di hotel aki na Aruba, segun señor

Maduro.

Despues di e periodo di facilidad fiscal y belasting cu wordo paga lo yuda financia e servicicionan cu Gobierno di Aruba ta duna su habitantenan.

Principalmente en vista di ceramento di Lago esaki ta di hopi importancia.

Aruba Beach Club y Playa Linda Beach Resort cu tambe ta proyectonan di Sun Development Company, ya a haya distincion internacional. E ponemento di e promer piedra pa Casa Del Mar Resort, cu lo consisti di 132 unidad, lo tuna lugar na Juni venidero.



E proyecto aki lo duna trabao na mas o menos 180 hende durante

construccion y ora cu e ta cla lo e emplea alrededor di 150 persona den trabao-

nan di koki, waiter, security, housekeeper, administracion y gerencia.

DIVI DIVI ARIBA STOCK MARKET NA MERCA

ORANJESTAD(AAN)—Divi Hotels a bira e prome compania Arubano cu ta ariba lista di NASDAQ cu ta di e Stock Exchange di New York.

Un compania yama Rooney Pace a firma pa compra 675.000 unidad di stock.

Den idioma di stock market un unidad ta consisti di un accion y un opcion pa compra accion adicional den e tres añanan siguiente na prijsnan prepara caba.

E unidad a ser ofreci na publico na prijs di 12 dolar pa unidad y tur a ser bendi. Opcionnan ta pa accionnan di 15 dolar na 1986, 18 dolar na 1987 y 21 dolar na 1988.

Entrada di e capital nobo cu ta mas o menos 7million ta duna e compania oportunidad pa refinancia, paga notanan promisorio y keda cu placa como capital pa traha cu ne.


En vista di e situacion nobo aki, vice presidente

di Divi Hotel a anuncia cu e siman aki lo cuminda cu aceleracion di e

proyecto di Alhambra Entertainment Center cu mester habri su portanan

dentro di 5 pa 6 luna.

E Entertainment Center Sigui lesa pag. 7



Asina Alhambra Entertainment Center lo bira despues cu e bini cla aki mas o menos cinco luna.